



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XL. Extendit, & ampliatur Indultum Cardinalis, & Nuncii in Regno Portugalliæ
de recitando Officio, & Missa celebranda in rota ditione illius Regis in
honorem Beati Gundisalvi de Amarante Ordinis ...

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

prædecessor, Patriarchis, Archiepiscopis, Episcopis, aliis locorum Ordinariis, nec non omnibus, & singulis quorumvis Ordinum, & Congregationum, & Institutorum Regularium Generalibus commiserit, & mandaverit, ut ad minus duabus vicibus quolibet anno, Adventus, & Quadragesimæ temporibus, tam per verbi Dei Prædicatores in suis sacris Concionibus, quam in actionibus, & functionibus publicis, necessitates eorumdem sacrorum Monumentorum Populo proponi, & commendari curarent, & facerent, & alias prout in ejusdem Urbani Prædecessoris litteris in simili forma Brevis die 3. Februarii 1634. desuper expeditis, quarum tenores præsentibus pro expressis haberi volumus, uberius continetur.

Ab Innoc. X. confirmatur.

§. 2. Et sicut pro parte dilectorum Ludovici à Justitia pro Italia, & Simonis Garcia pro Germania, ac Andrea à Fonte majore pro Hispania, & Petri Meron Fratrum expressè professorum Ordinis Fratrum Minorum Sancti Francisci de Observantia nuncupatorum pro Gallia, respectivè Commissariorum ejusdem Terræ Sanctæ, Nobis nuper expositum fuit, ipsi, quo præfata Urbani Prædecessoris litteræ, quæ à rec. mem. Innocentio Papa X. prædecessore pariter nostro confirmatæ fuerunt, exactius observentur, illas per Nos pariter confirmari, & innovari desiderent.

Confirmat prout in rub.

§. 3. Nos eorumdem sacrorum Monumentorum conservationi, & manutentioni consulere volentes, de Venerabilium Fratrum nostrorum S. R. E. Cardinalium negotiis Propagandæ Fidei Præpositorum consilio, prædictas Urbani prædecessoris litteras Apostolica auctoritate tenore præsentium confirmamus pariter, & approbamus, illasque innovamus, & observari mandamus; salva semper auctoritate Congregationis dictorum Cardinalium.

Præcipit Ecclesiasticis Superioribus observantiam.

§. 4. Volumus autem, ut Patriarchæ, Archiepiscopi, & Episcopi prædicti in relatione status suarum Ecclesiarum, quando visitabunt Limina Apostolorum faciendâ, referant se prædictis Urbani prædecessoris, & præsentibus nostris litteris paruisse, contrariis non obstantibus quibuscumque.

Transumptis fidem ad dit.

§. 5. Volumus insuper, quod earumdem præsentium transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides adhibeatur, quæ præsentibus adhiberetur, si forent exhibitæ, vel ostensæ.

Dat. P. An. 2. die 19. Junii.

Datum Romæ apud S. Mariam Majorem sub Annulo Piscatoris, die 19. Junii 1671. Pontificatus Nostri Anno Secundo.

XL.

Extendit, & ampliat Indultum Cardinalis, & Nuncii in Regno Portugallie de recitando Officio, & Missa celebranda in tota ditone illius Regis in honorem Beati Gundisalvi de Amarante Ordinis Prædicatorum ad universam Sancti Dominici Religionem.

Edita A. D. 1671.

CLEMENS PAPA X.

Ad perpetuam rei memoriam.

Exordium.

SCROFANI Apostolatus officium humilitati nostræ divinitus commissum salubriter exequi adjuvante Domino satagentes, pia sublimium, Religiosarumque personarum vota, ad augendam in terris Beatorum in Cælis cum Domino nostro Jesu Christo regnantium venerationem laudabili studio tendentia, libenter exaudimus, sicut ad Omnipotentis Dei gloriam, spiritualemque Christianissimorum consolationem, atque ædificationem expedire in Domino arbitramur.

Causa hujus Const.

§. 1. Alias siquidem commisso per felicis recordationis Pium PP. IV. Prædecessorem nostrum

ad preces claræ memoriæ Sebastiani dum vixit Portugallie, & Algarbiorum Regis Illustris bonæ memoriæ Henrico tituli Sanctorum quatuor Coronatorum Presbytero Cardinali Portugallie nuncupato, & Prospero Episcopo Rossanensi tunc Sedis Apostolicæ in Regno Portugallie cum potestate Legati de Latere Nuncio, quatenus examinato per ipsos Processu antea confecto de mandato recolendæ memoriæ Julii PP. III. prædecessoris pariter nostri, vel alio, desuper servata forma Sacrorum Canonum de novo conficiendo conjunctim procedentes, confitito prius de cæbris miraculis quæ Omnipotens Deus intercessione Beati Gundisalvi de Amarante Sacerdotis expressè professi Ordinis Prædicatorum in Regno Portugallie nati, & vita functi, tam in illius vita, quam post felicem illius obdormitionem operari dignatus fuerat, concurrente ad Ecclesiam ubi requiescit corpus illius, à claræ pariter memoriæ Joanne Rege Portugallie illustri ipsius Sebastiani Regis prædecessore magnificè extructam, & dotatam, ex diversis Regnis, & Provinciis incredibili frequentia Christianissimorum, eorumque in eundem Beatum Gundisalvum devotione in dies magis invalescente, concederent, ut in omnibus, & singulis Ecclesiis, tam secularium, quam regularium Regnorum ipsi Sebastiano Regi subiectorum, Officium, horæ canonicæ, & Missa de dicto Beato Gundisalvo ad instar aliorum Sanctorum Confessorum in die obitus ipsius, liberè, & licitè recitari, & celebrari possent, prout in ipsius Pii Prædecessoris litteris desuper in forma Brevis die 3. Septembris 1560. expeditis latius continetur.

Indultum Card. & Nunci.

§. 2. Idem Henricus Cardinalis, ac Prosper Episcopus Nuncius in executionem litterarum hujusmodi, confitito prius de præmissis juxta Sacrorum Canonum dispositionem, per eorum sententiam latam die 16. Septembris sequentis anni 1561. auctoritate Apostolica, qua fruebantur in hac parte, concesserunt, & indulserunt, ut ex tunc in omnibus, & quibuscumque Ecclesiis, & Monasteriis etiam Secularium omnium Regnorum, & Dominiorum Portugallie possent liberè, & licitè recitari officium, & horæ canonicæ, ac Missæ celebrari in honorem dicti gloriosi Gundisalvi de Amarante eodem prorsus modo, & forma, quo, & qua recitantur, & celebrantur in honorem aliorum Sanctorum Confessorum.

Ad preces Principis Portugallie.

§. 3. Cum autem sicut pro parte dilectissimi in Christo filii nostri Petri Principis Portugallie, & Algarbiorum Regnorum Gubernatoris, per dilectum filium nobilem virum modernum Marchionem de las Minas Coronæ Portugallie apud Nos, & Sedem Apostolicam Oratorem ordinarium, Nobis nuper expositum fuit, crescente in dies populi erga præfatum Beatum Gundisalvum devotione, tam idem Petrus Princeps, quam dilectus filius Joannes Thomas de Rocaberti Magister Generalis dicti Ordinis pro singulari, quem erga memoratum Beatum Gundisalvum gerunt, devotionis affectu, indultum præfatum ad universum Ordinem Sancti Dominici, tam Fratrum, quam Monialium extendi summoperè desiderent; Nobis propterea idem Petrus Princeps, & Joannes Thomas Magister Generalis, tam suo, quam universi Ordinis præfati nomine humiliter supplicari fecerunt, ut in præmissis opportunè providere, & ut infra indulgere de benignitate Apostolica dignaremur.

Ampliat ut in rubr.

§. 4. Nos igitur laudabili dicti Petri Principis pietati favorabilem assensum paterno affectu præbere cupientes, ac præfatum Joannem Thomam Magistrum Generalem specialis favore gratiæ prosequi volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine quavis occasione, vel causa latis, si quibus quomodolibet in-

notat

nodata existunt ad effectum presentium dumtaxat consequendum harum serie absolventes, & absolutas fore censentes, & hujusmodi supplicationibus inclinati, de Venerabilium Fratrum nostrorum S. R. E. Cardinalium Sacris Ritibus prepositorum qui rem mature perpendere consilio, Indultum recitandi officium, & horas Canonicas, ac celebrandi Missam de dicto Beato Gundisalvo, tanquam de Sancto Confessore non Pontifice concessum, ut prefertur ad universum Ordinem, tam Fratrum, quam Monialium Sancti Domini, modo, & forma premissis auctoritate Apostolica tenore presentium extendimus, & ampliamus.

Contrariis derogat.

Transumptum fides.

Dat. P. A. 2. die 10. Julii.

§. 5. Non obstantibus Constitutionibus, & Ordinationibus Apostolicis, ceterisque contrariis quibuscumque.

§. 6. Volumus autem, ut earumdem presentium litterarum transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides in Judicio, & extra illud habeatur, quae haberetur ipsis presentibus, si forent exhibitae, vel ostensae.

Datum Romae apud S. Mariam Majorem sub Annulo Piscatoris die 10. Julii 1671. Pontificatus nostri anno secundo.

XLI.

Quod Fratres Ordinis Minorum Sancti Francisci Capuccinorum, & Moniales Capuccinae, cujuslibet mensis die non impedita Officium S. Clarae recitare valeant.

Edita A. D. 1671.

CLEMENS PAPA X.

Ad perpetuam rei memoriam.

Exordium.

EX injuncto Nobis divinitus Apostolicae feruitatis officio pia Christifidelium, illorum praesertim, qui Altissimi obsequiis sub suavi ardentioris Religionis jugo mancipati, bonoque Christi odore de bona conversatione fragrantibus uberibus bonorum operum fructus in Ecclesia Dei adspirante superni favoris auxilio proferre jugiter satagunt, vota ad augendam in terris caelestis regni incolarum venerationem tendentia libenter exaudimus, illaque favoribus, & gratis prosequimur opportunis.

Supplicatio.

§. 1. Cum itaque sicut dilectus filius Minister Generalis Ordinis Fratrum Minorum S. Francisci Capuccinorum nuncupatorum Nobis nuper exponi fecit, tam Fratres dicti Ordinis, quam Moniales Capuccinae nuncupatae pro singulari eorum erga Sanctam Claram devotionis affectu Officium de illa singulis mensibus recitare plurimum desiderent.

Concedit ut in rubrica.

§. 2. Nos piis eorum votis favorabilem assensum hac in re praebere volentes, dictumque Ministrum Generalem a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, omnibus, & singulis tam Fratribus, quam Monialibus praedictis, ut officium de eadem Sancta Clara singulis mensibus aliqua die non impedita officio novem Lectionum, sub ritu semiduplici recitare, liberè, & licite possint, & valeant, Auctoritate Apostolica tenore presentium concedimus, & indulgemus.

Decretum irritans.

§. 3. Decernentes easdem praesentes litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos, & quas spectat, & pro

tempore quocumque spectabit in omnibus, & per omnia, plenissime suffragari: Sicque in praemissis per quoscumque Judices Ordinarios, & Delegatos etiam Caesarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contrariis derogat.

§. 4. Non obstantibus Constitutionibus, & Ordinationibus Apostolicis, ceterisque contrariis quibuscumque.

Transumptis fidem addit.

§. 5. Volumus autem, ut ipsarum presentium litterarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides habeatur, in Judicio, & extra illud, quae haberetur ipsis presentibus, si forent exhibitae vel ostensae.

Dat. P. A. 2. die 20. Julii.

Datum Romae apud S. Mariam Majorem sub Annulo Piscatoris, die 20. Julii 1671. Pontificatus Nostri Anno Secundo.

XLII.

Quod electiones Priorum, Subpriorum, Sacristarum, & Procuratorum Ordinis B. M. de Monte Carmelo a Communitatibus Conventuum Provinciarum in Brevi expressarum non fiant, sed in Definitoriis Capitulum Provinciarum, earumdemque electionum abrogationes a Priore Generali approbari debere statuit.

Dilecto filio Matthaeo Orlando Priori Generali Ordinis Beatae Mariae de Monte Carmelo.

CLEMENS PAPA X.

Dilecte fili salutem, & Apostolicam benedictionem.

Edita An. D. 1671.

Cum, sicut Nobis nuper exponi fecisti, septem Provinciae Ultramontanae tui Ordinis Fratrum Beatae Mariae de Monte Carmelo, nempe Germaniae inferioris, Aquitaniae, Provinciae, Tolosae, Germaniae Superioris, Vasconiae, & Flandro-Belgicae, ut factionibus, aliisque malis, quae ex electionibus Priorum, per Communitates Conventuum fieri solitis, in detrimentum observantiae regularis, ac salutis animarum, & religiosae quietis promanabant, occurrerent, eadem electiones abrogaverint, easque in Definitoria earundem Provinciarum respective transfulerint; Tu vero etiam Subpriorum, ac Sacristarum, & Procuratorum singulorum Conventuum Provinciarum hujusmodi electiones abrogari eorundem Conventuum quieti, & regulari observantiae conducibile fore existimes: Per Constitutiones autem Ordinis praefati a fel. rec. Urbano VIII. & Innocentio X. Romanis Pontificibus praedecessoribus nostris confirmatas, pro Provinciis Reformatis ordinatum reperiat, ut hujusmodi electiones Priorum, Subpriorum, Sacristarum, & Procuratorum a Communitatibus Conventuum fiant. Nobis propterea humiliter supplicari fecisti, ut tibi in praemissis opportunè providere, & ut infra indulgere de benignitate Apostolica dignemur.

Motiva.

§. 1. Nos igitur votis tuis, ad promovendum regularis observantiae, religiosaeque tranquillitatis bonum laudabiliter tendentibus, favorabiliter annuere volentes, Teque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existis, ad effectum presentium dumtaxat consequendum, harum serie absolventes, & absolutum fore censentes, supplicationibus tuo nomine Nobis super hoc humiliter porrectis inclinati, Tibi abrogationes electionum Priorum a memoratis septem Pro-

Concedit ut in rubra.